



Improving access to higher education

Page 5



Working towards safer communities

Page 7

JOBS INSIDE

Building a better life for all

Cecilia de Vos Belgraver and Amukelani Chauke

President Jacob Zuma says government is working hard to protect South Africans against the effects of the negative global economic downturn on the local economy.

He emphasised that despite the economic challenges, government remains pro-poor and intent on making life better for all, especially for the poor and the working class.

“We have taken concrete measures to reduce the negative impact of the economic downturn of our economy and to prepare for robust growth when the economic cycle turns positive.”

“We are also working hard to remove domestic impediments to growth.”

The President said this during The Presidency Budget Vote in Parliament recently.

GROWING THE ECONOMY

Part of government’s efforts to reignite growth and build a better life for all includes implementing the Nine-Point Plan which aims to boost economic growth and create jobs.

“Energy is high up on the agenda. During last year’s Presidency Budget Vote debate our country was facing an acute energy challenge. We have made remarkable progress since then,” said President Zuma.

He added that the Ingula power plant will soon add 330 megawatts of electricity to the national grid and in five years’ time South Africa will have surplus electricity. A renewable energy project for South Africa worth US\$180 million was recently approved by the BRICS Development Bank, which will have its African Regional Centre in Johannesburg.

“Most importantly, there has been no load shedding for close to a year now. It is clear that the decisions and steps we took are beginning to bear fruit.”

DEVELOPING INFRASTRUCTURE, CREATING JOBS

Government is also using infrastructure as a key instrument to create jobs and to build a better life for all.

“Through the Presidential Infrastructure Coordinating Commission, we have made tremendous strides in fast tracking infrastructure across the country.

“In the past year, we can count the building of 160 new schools, 29 new clinics, the connection of 245 000 houses to electricity and building close to 150 000 new houses. The construction of three universities, 12 technical colleges as



President Jacob Zuma says government is committed to making life better for all.

well as courts is on-going,” said President Zuma.

He added that the construction of economic infrastructure is also continuing through the delivery of rail, road, dams, bus rapid transit systems, refurbishing ports, building boats and also the three new power stations.

“South Africa is a nation at work, with government leading the way, in building a better life for all.”

PROGRESS ON OPERATION PHAKISA

Government launched Operation Phakisa in the Oceans Economy in Durban in 2014, followed by Phakisa projects on the Ideal Clinic and basic education, focusing on information and communication technologies. Phakisa Mining will be launched soon.

Through Operation Phakisa government aims to implement its policies and programmes better, faster and more effectively.

To date much progress has been made. “In less than two years we have invest-

ed billions of rands in infrastructure development.”

These investments include: Transnet’s National Ports Authority’s R7 billion allocation for port infrastructure, R3.6 billion investments in boat-building and a fuel storage facility in Cape Town, the R80 million allocation for rehabilitating and maintaining proclaimed fishing harbours, and the establishment of three new harbours that will provide opportunities for local and rural economic development.

Phakisa Education has delivered electronic administration infrastructure to over 22 000 schools and over 1 500 schools now have internet connectivity, to the benefit of over a million learners across South Africa.

WOMEN EMPOWERMENT

The President added that billions of rands have been set aside to support women-owned businesses.

He said the Status of Women in the South African Economy Report, which was produced by the Ministry in The Presidency

responsible for Women, exposed gaps and showed that more must be done to empower women in the economy.

“In September 2015, I issued a directive to economic cluster departments to place the empowerment of women centrally in their plans and in particular, in the Nine-Point Plan to further grow the economy.

“Progress is being made. The departments of Human Settlements, Public Works and Small Business Development are utilising the approach of set-asides to enhance women’s empowerment,” he noted.

President Zuma said women contractors were allocated over R3 billion of the Human Settlements Development Grant for the 2014/2015 financial year alone.

“This allocation was shared by over 112 female-owned enterprises.”

As the country prepares to commemorate the 60th anniversary of the women’s march to the Union Buildings, the President pointed out that a lot has been done to empower women.

Re ntlafatsa phumano ya thuto e phahameng



Mmuso o behetse ka thoko dibilione tsa diranta bakeng sa NSFAS ho thusa baithuti ba fetang ba 400 000 ho ntshetsa dithuto tsa bona pele.

Amukelani Chauke

Mmuso o ikemiseditse ho ntlafatsa boleng, phumano, bokgoni ba ho lefa, le thuto e fetohileng ya ka mora sekolo mme o tla netefatsa hore maAforika Borwa a sebetsang hantle sekolong empa a hloka tjelele ya ho ntshetsa dithuto tsa ona pele ha a salle morao.

Sena ke ho ya ka Letona la Lefapha la Thuto e Phahameng le Thupello Blade Nzimande, ya sa tswa fana ka Kabo ya Tekanyetso ya Ditjeho ya lefapha Palamenteng.

Letona le ile la hlalisa hore mmuso o fane ka dibilione tsa diranta ho Sekema sa Naha sa Thuso ya Ditjhelele ho Baithuti (NSFAS) ho thusa baithuti ba fetang ba 400 000 ho ntshetsa dithuto tsa bona pele.

"R4.57 bilione e abetswe NSFAS ka 2016/17, mme e kenyetsa R2.54 bilione ho netefatsa hore baithuti ba 71 753 ba neng ba se na ditlhapiso kapa ba sa tshetshwa ho ka 2013 ho ya ho 2015 ba ka lefa mekitlane ya bona, le

R2.03 bilione ho netefatsa hore baithuti bana mmoho le ba futsanehileng ba kenang yunivesithi kgetlo la pele, ba kgona ho ithuta," o tsholo jwalo.

Ka mora hore Mopresidente Jacob Zuma a tsebise hore ditfello tsa dithuto tse phahameng ha di sa tlo nyollwa selemong sena ho latela mehwantso ya naha ka bophara ya baithuti kgahlanong le ditjeho tsa thuto, diyunivesithi di ile tsa sala ka kgaello ya R2.3 bilione.

"Re fane ka R1.9 bilione ya kgaello ya R2.3 bilione ka mora ho dumellana. Re behile ka sehloohong, boleng bo fetang R5.7 bilione (dilemong tse tharo tse tlang) ho ya diyunivesithi ho netefatsa hore thibelo ya ho nyollwa ha tefello ya dithuto ka 2016 ha e lebe keketso e sa laoleheng ya tefello ya dithuto ka moso," ho hlalositse Letona.

Ditekanyetso tsa NSFAS tsa ditjhelele e tla ba 47.3% ya keketso ho tloha ditshehetsong tsa pele tsa NSFAS ka 2016.

Letona le itse lena, mmoho le matlole a mang

a NSFAS, a tla kenya baithuti ba 205 000 yunivesithi selemong sena, le ba bang ba 200 000 dikholejeng tsa Thuto le Thupello ya Mosebetsi wa Setegeniki (TVET).

"Ke baithuti ba 405 000 ka kakaresto ba fumana tshehetso ya mmuso, e leng boiphilelo bo bohlo maemong ohle.

"Hape re na le tharollo bakeng sa "ba hlokehlang mahareng"— baithuti bao meputso ya malapa a bona e leng ka hodimo ho tekanyetso ya NSFAS, empa ba sa nse ba sa kgone ho lefella yunivesithi. Re ikemiseditse ho leka tsela ya rona e ntjha ka 2017 re be re e phethahatsa ka botlalo ka 2018," o tsholo jwalo.

Khomishene ya Bopresidente e fuputsa ho kgonehala ha thuto e sa lefelle diyunivesithi le dikholejeng tsa TVET, Letona le tlatseditse jwalo.

BODULO BA BAITHUTI

Letona Nzimande o ile a eketsa ka hore o tla thakgola Lenaneo la Kaho ya Bodulo ba Baithuti selemong sena e le ho tobana le

diphephetso tsa bodulo ba baithuti.

O itse lefapha le tla phatlalatsa lenaneo la lona la nako e telele le sebedisa ditsela tsa ho bokeletsa tjelele le dithekenoloji tse pele tsa kaho ho fana ka bodulo bo sireletsehileng le bo sa bitseng ha le etsa Seboka sa Bodulo ba Baithuti ka Phupjane.

"Ho sa le jwalo, re sebetsa le Letona la Mesebetsi ya Mmuso, Thulas Nxesi, ho fumana meaho ya mmuso e sa sebedisweng ka botlalo kapa e sa sebedisweng ka hohle, e loketsweng hore e ka fetolelwa ho ba bodulo ba baithuti bo sa bitseng le bo lokolohileng bakeng sa bobedi diyunivesithi le dikholeje tsa TVET."

RE KGOHALETSA DITSELA TSE HLWAHLWA TSA HO PHELA

Motlatsaletona Mduzi Manana o itse ho kgothaletsa ditsela tse hlwahlwa tsa bophelo baithuting, Lefapha la Thuto e Phahameng le Thupello le na le letsholo le bitswang *First Things First*, le tsamaiswang ke *Higher Education AIDS (HEAIDS)*, e fanang ka ditshebetso tse felletseng tsa bophelo bo botle le pholo.

Tsena di tloha ka ditoko tsa HIV le ditlahlabo tsa lefuba (TB), ditokelo tsa ho ata, dithibela pelehi, tlhokomelo ya baimana, mofetshe wa letswele le wa molomo wa popelo le mafu a tsela ya ho phela, ho tse ding.

O itse palo ya baithuti ba tlileng ho tla etsa ditoko e nyolohile nakong ya selemo se fetileng.

"Lenaneo lena le thusitse baithuti le basebetsi ba 174 000 ka 2015 feela, mme baithuti ba entseng ditoko tsa HIV ba 79% ho feta ba entseng ditoko selemo se fetileng," ho hlalositse Motlatsaletona.

O ekeditse ka hore ke dikgohlopo tse nkgang hamonate tse ka bang 25 milione tse abuweng ditsing tsa thuto le thupello ya kamora sekolo.

Motlatsaletona Manana o itse lenaneo lena le sa tswa eelluwa e le le leng la a pele kontinenteng, le hore le ikemiseditse ho le atisa le ho feta selemong sena sa ditjhelele.

Ditshebetso tsa HEAIDS tsa ho thoba maikutlo tse neng di sa emise, di thusa baithuti ho tobana le maemo a bona a HIV, o ile a eketsa.

Motlatsaletona o itse moithuti o ile a nyahlatsa yunivesithi kamora ho fumana hore o na le HIV ka letsholo la *First Things First* mme a sa kgone ho amohela maemo a hae a HIV.

Empa ka ditshebetso tsa HEAIDS tsa ho thojwa maikutlo le tsa tshehetso, o ile a kgona ho tswelapele ka dithuto tsa hae mme o salletswe ke selemo feela pele a qeta.

"Ke e mong wa baemedi ba *First things First*, ba kgothaletsang baithuti ho tseba ka maemo a bona le ho ba thoba maikutlo mmoho le ho ba fa tshehetso," o ile a eketsa.

Malapa a mahaeng a fumana thuso

Amukelani Chauke

Lefapha la Ntshetsopele ya Dibaka tsa Mahae le Tlhabollo ya Naha le tla tiisa ho thakgola letsholo le tla thusa ho fokotsa bofutsana le ho tswela molumo malapa a 10 000 a mahaeng selemong se tlang.

Ha fana ka Kabo ya Tekanyetso ya ditjeho Palamenteng haufinyane, Letona la Ntshetsopele ya Dibaka tsa Mahae le Tlhabollo ya Naha, Gugile Nkwinti, o itse sepheo sa lenaneo la *One Household, One Hectare* ke ho fedisa bofutsana le ho etsa sehlopha sa borapolasi ba banyane, baetsi le bahlahisi ba temothuo.

E le karolo ya letsholo lena, karolo ya hektara e le nngwe (kapa tshimo ya setjhaba) e fuwa lelapa ka leng le hlohang. Malapa a tshetshwa ho lema dijalo tseo e leng tsa ona a be a hlotjha ho ba dikoporasi tsa mantlha tse hokahantsweng ho ba dikoporasi tse bohlokwa tsa lenaneo la Diphaka tsa Temo.

Lenaneo le tobane haholo le naha eo e leng ya mmuso le se ka hlalosewang e le lefatshe la setso le kopanetsweng, o tsholo Letona.

"Letsholo la *One Household, One Hectare* le tla thakgolwa mme le tshwantswe le lenaneo la ntshetsopele la la Diphaka tsa Temo, le be le fa malapa a nkgang karolo sebetsa sa nnete sa ho bapatsa dihlahiswa tsa ona," o ile a hlalosa.

Qalong Letona le itse, se seng le se seng sa ditereke tse 44 tsa Diphaka tsa Temo di tla ba le ditsha tse hlano moo letsholo la *One Household One Hectare* le tla etsahalla teng. Se se tla etsa ditsha tse 220 selemong sa ditjhelele sa 2016/17.

"Ke bonyane malapa a 50 a tla nka karolo setsheng ka seng. Sena se tla ama maphelo a malapa a fetang a 10 500 a mahaeng. Lefapha le behelletse ka thoko R100 milione bakeng sa selemo sa pele sa phethahatso ka Ditekanyetso tse ka Sehloohng le tsa Ntshetsopele," o tsholo jwalo.

LENANEO LA DIPHAKA TSA TEMO

Lefapha hape le tswelapele ka mohato a latelang wa phethahatso ya lenaneo la Diphaka tsa Temo ho bommasepala ba

ditereke ba 44 bakeng sa tlhahiso ya dijo, kakanyo le kaho ya meaho e metjha, ho ekeditse Letona Nkwinti.

O itse R2 bilione e behelletse ka thoko bakeng sa lebaka lena selemong se setjha sa ditjhelele.

"E le ho potlakisa tlhabollo ya naha re abela balemi ba banyane naha le ho fana ka tshireletso metseng e leng kotsing, ho kenyetsa le basebetsi ba dipolasing le batho ba sebetsang masimong.

"Mona, boleng ba R89 milione bo abuwe bakeng sa tshehetso ya molao le tshehetso bafumaning ba naha ho kgothaletsa tshireletso ya nako e itseng. Boleng ba R791 milione bo behelletse ka thoko selemong sena sa ditjhelele bakeng sa phumantsho ya naha mabapi le morero ona.

MORALO WA LEANO WA 50/50

Letona Nkwinti hape o ile a thoholetsa borapolasi ba ileng ba ithaopa ho nka karolo lenanong la lefapha, e leng borapolasi le basebetsi ba dipolasi ba ileng ba arolelana dipolasi tse kgolo tse hwebang ka ho lekana

(50/50) mahareng a bona.

"Puong ya Boemo ba Naha ya 2013, Mopresidente o itse o ne a lebeletse hore mafelong a puso ya hae, ka 2019, re ne re tla be se re qadile ho lekella mapolasi a 50... Re leboha batho ba tlileng ba re, re batla ho ba karolo ya sena," o ile a eketsa.

Letona le itse, e le karolo ya Ditokole tse Matlafatsang tsa Balemi (Moralo wa Leano wa 50/50), ho se ho phethetswe dikopo tse 10, tse nang le bakopi ba ka bang 540, tse nkgang dihektara tse 7 642.

Ke dikopo tse 50 ho tswa baleming le mekgatlong tseo re seng re di fumane ho fihlela ha jwale.

Lenaneo lena le tla potlakiswa mme R500 milione e behilwe ka thoko bakeng sa lebaka lena selemong se setjha sa ditjhelele.

Letona Nkwinti o ile a eketsa ka hore ka mora pulo botjha ya monyetla wa bobedi wa ho etsa dikopo tsa naha, ke dikopo tse 143 720 tse entsweng ka 31 Hlakubele 2016, ka dikopo tse 27 696 tse entsweng ka diofisi tse latellang batho tsa dikopo.

Re sebeletsa motjheng wa setjhaba se bolokehileng

Amukelani Chauke

Diteishene tse ntjha tsa sepolesa tse latellang batho le ditsi tse ikgethileng di tla thakgolwa selemong se tlang, ho thusa hore mapolesa a bonahale le hore a ntshe botlokotsebe setjhabeng.

Ena ke e nngwe ya tsela tseo Tshebeletso ya Sepolesa sa Aforika Borwa (SAPS) e tla lwantsha botlokotsebe bo ileng ba qoollwa haufinyane Kabong ya Tekanyetso ya ditjhele e Lefapheng la Sepolesa.

Letona Nkosinathi Nhleko o ile a re Tshebeletso ya Sepolesa sa Aforika Borwa SAPS e fuwe tekanyetso ya R80.8 bilione bakeng sa selemo sa 2016/17 sa ditjhelete.

Tshebediso ya tjelele e tobanang le nako e mahareng e tla kenyeletsa:

- Ho thusa dibaka tsa jwale tse tsitsitseng.
- Ho tiisa tshebeletso ya sepolesa ka ntshe-tsopele ya bokgoni.
- Ho tswelapele ho matlafatsa phumano ya toka le tsamaiso ya dinyewe ka ho kenya letsoho ntlafatsong ya lekala la toka le bosenyi le lenaneo la ntjhafatso.
- Ho matlafatsa bokgoni ba Setsi sa Sepolesa sa Taolo ya Setjhaba. Ka kakaretso ke R1.957 bilione e fanweng bakeng sa sepheo sena.

“Selemong sena sa ditjhelete, re ekeditse bosebeletsi ba Botsamaisi bo ka Sehloohong ba Dipatlisiso tsa Botlokotsebe (di-Hawks) ka thuso ya R1.431 bilione, e tla sebediswa hape bakeng sa ditsi tse ikgethileng tse ntjha. Ho nkuwe qeto ho thakgola botjha ditsi tsa dithethefatsi le tsa Diphuputso tsa twantho ya dibetsa ka baka la tlhoko le dillo tsa baahi,” ho ekeditse Letona.

METSE E BOLOKEHILENG

Motlatsaletona la Sepolesa Maggie Soty o itse diteishene tsa sepolesa tse latellang batho tse naheng ka bophara di tla thusa hore ho be le metse e bolokehileng, ha ka lehlakoreng le leng di ntse di kgutlisetsa tshepo ya setjhaba sepoleseng.

“Thakgolo ena mmoho le pethahatso e tla latelang ya diteishene tsa sepolesa tse latellang batho di tla qala ka setotswana ka Motsheanong 2016, di qala ka Site C ho la Khayelitsha, di tswelle Lavender Hill,



Tshebeletso ya Sepolesa sa Aforika Borwa e tla sebeletsa ho eketsa ho bonahala ha mapolesa ho netefatsa polokeho ya metse.

motseng wa Crossroads o Peddie, Botshabelo, Foreistata. Le dibakeng tse ding tseo botlokotsebe bo phahameng, diporofenseng tse na tse robong,” o ile a eketsa.

Ditjhelete tsa diteishene tse na tse sepolesa di tla tswa ditkanyetsong tsa SAPS tsa naha. Motlatsaletona o ile a hlalisa hore ditsamaiso tsa ho aha seteishene sa mapolesa a kenyeletsa mafapha a mangata, ho bolelang hore ho ka nka nako ho di qeta.

Maemo a mangata a dibaka tsa mahaeng a Aforika Borwa hape a qobella mmuso ho thakgola diteishene tsa sepolesa tse sa kgonang ho ya bathong, o ile a eketsa.

Motlatsaletona hape o ile a tiisa bohlokwa ba mapolesa metseng ya mahae.

“Re tlamaha ho netefatsa hore batho ba metse ya mahae ha ba ikutlwe e ka ba fumana ditshebeletso tsa maemo a tlase tsa sepolesa ha ho bapiswa le metseng ya ditrope.

“Re tlamaha ho tswelapele ho ranthanya ditlokotsebe tse hlophisitsweng tse ikemiseditse ho utswa mehlape metseng ya mahae.”

Motlatsaletona o itse botlokotsebe bo metseng ya mahae ha bo feela ka boshodu ba diphoofolo, empa hape ka meruso e amanang

le bong, maqujwana, merusu le tlheketso ya dithethefatsi dikolong tsa mahae.

Tsela e phephetsang ya ho hlokomela metse ya mahae, bohole bo dipakeng tsa metse le ho ikgesa ha metse e mengata ho ka etsang hore ba hlaselwe ha bobebe le hore ba ikutlwe ba sa bolokeha kgahlanong le botlokotsebe, o ile a hlalisa.

“Porojeke ya diteishene tsa sepolesa tse sa kgonang ho ya bathong e tla matlafatsa Lenaneo la Lefapha la Phano e Pele ya Ditshebeletso tsa Setjhaba. Lena ke lenaneo la tiileng le hlomamisang setho se hlwahlwa sa sepolesa seo maAforika Borwa a se hlokanang ho a sebeletsa; ditsi tsa tshebeletso ya sepolesa e fumanehang ha bobebe le e amohelang setjhaba ka mofuthu; tshebeletso e hlwahlwa le e tshepehang eo sepolesa se tshwanelang ho fana ka yona; le ho kenya dikamano tse tsepameng tsa bankakarolo le ho kenya letsoho phanong ya ditshebeletso tsa sepolesa,” o tjholo jwalo.

TSHIRELETSO YA BA LENG KOTSING

Motlatsaletona o ile a eketsa ka hore ha jwale SAPS e na le dihlopha tse pedi, tse sebediswang ho sireletsa ditokelo tsa dihlopha tse

kotsing haholo setjhabeng, haholo dibakeng tsa rona tsa mahae.

O itse Lekgotla la Basadi ba SAPS le kene mananeong a tshebetso metseng ya mahae, le bontshitseng mosebetsi o tswileng matsoho le ka hodimo ho bopolesa mme o tliisa thuso e ipabotseng ya setjhaba sepoleseng.

“Lekgotla lena le tsheheditse mahlatsipa a peto tse sehloho tsa maqheku, ho netefatsa hore baetsi ba botlokotsebe bona bo nyontshang ba a tshwarwa le ho hlolwa.

“Ho feta moo Lekgotla la Basadi ba SAPS le Banna ba Phetoho ba tla kena lenaneong la setjhaba le tla tobana le bothata ba ho shobedisa bana ba banyane, dibakeng tsa rona tsa mahae, haholo Kapa Botjhabela.”

Motlatsaletona o ile a tiisa hore le ha mmuso o hlompha setso, diketso tse itseng ha di a amoheleha.

“Re hlompha setso se ahang setjhaba, empa re hlaile setso se hatellang, se hleketsehang, se nkang ka mahahapa le se betang bana ba rona ka lebitso la setso.

“Re tla tshwara bahleketse tsa bana ba nkang bana ka mahahapa ka hore ke 'lenyalo la setso',” o tjholo jwalo.

Aforika Borwa e una molemo ho tswa matseteng a dikaho tsa motheo

Amukelani Chauke

MaAforika Borwa a una molemo matseteng a maholo a mmuso ka-hong ka tsela ya dikolo tse ntjha, phumano ya metsi, kgokahanyo ya motlakase le mesebetsi, ho a mang.

Sena se ile sa utullwa ke Letona la Ntshe-tsopele ya Moruo Ebrahim Patel Kabong ya Tekanyetso haufinyane.

Ka boiteko ba ho thusa ho ntlafatsa moruo le ho etsa mesebetsi, mmuso o tsetela R1 bilione letsatsi ka leng la tshebetso ya kaho mafapheng a mangata a fapaneng.

Letona le ile la hlalisa hore matsete ana a ama maphelo a maAforika Borwa a tlwaele-hileng hantle.

Tjhelete ena e thusitse mmuso ho aha dikolo tse ntjha tse 160 le matlo a matjha a ka bang 100 000; ho kenya matlo a 245 000 ka motlakase le ho tliisa dimekawate tse 1 700 tsa motlakase o motjha setsing sa naha sa motlakase.

Tjhelete ena hape e entse mmuso o kgone ho kenya dipeipi tse kgolo tsa metsi tsa dikilomitara tse 100 tse tla tsamaisa dilitara tse dibilione tsa metsi ka beke ho leba metseng le dikgwabong; ho aha ditlilini tse ntjha tse 29 le sepetele se le seng se setjha le ho qeta meaho e meraro Yunivesithing ya Mpumalanga le bodulo bo botjha ba baithuti bakeng sa baithuti ba 4 210 naha ka bophara.

“Re entse tswelopele e tshwanang ka tlhahiso ya dibese, ditekesi le terene; ditsela tse ileng tsa ntjhafatswa, mebila e metjha ya dibese e ileng ya ahwa le dibaka tse ntjha tsa Wi-Fi dibakeng

tse ditrope le tsa mahae. Mesebetsi e otlo-hileng e metjha ka e ile ya etswa ka tjelele tsa kaho e akanyetswa ho 291 000 le mesebetsi eo e seng ya ka kotloloho, e ne e le mesebetsi e 715 000 e neng e tshehetswa ke lenane la mmuso la kaho,” o tjholo jwalo.

HO ETSA MESEBETSI

Leha kgolo ya moruo e ne e fokola, ho ile ha etswa dikete tsa mesebetsi selemong se fetileng, Letona le ile la eketsa.

“Dipalo tsa mesebetsi di nyolohile ka mesebetsi e metjha e 700 000 nakong ya selemo se fetileng, empa ho na le dikgatello tse ntjha haholo merafong le mafapheng a amanang le yona a sa re jeseng ditheohelang,” o tjholo jwalo.

Letona Patel o itse AB InBev, khamphani ya matjhabeng e sa tswa kopana le khamphani ya jwala le dino, SAB Miller, e dumetse ho sebedisa R1 bilione ho thusa ho rupella borapolasi ba 800 ba holang.

AB InBev e fane ka R1 bilione e le boiteko ho borapolasi le diphepelong tse ding.

Ke boleng bo ka bang R610 milione ya tjelele ena, bo tla sebedisetswa ho tshehetsa ntshe-tsopele ya borapolasi ba batjha ba 800 ba holang le borapolasi ba batjha ba 20 ba hwebang ho hlalisa bali, dihopose, pabi le mmela tse ngata tsa mona lapeng, ka mai-kemisetsa a ho etsa bonyane mesebetsi e 2 600 e metjha temong, o ile a eketsa.

“Re dumellane ka hore khamphani ena e tla ntsha R200 milione ntshe-tsopele ya tsa kgwebo tse kenyeletsang ho thakgola setsi sa



Matsete a mmuso ho tsa kaho a tlišitse mesebetsi makaleng a mangata.

ho qala kgwebo, ho kgothaletsa kgwebo tse ntjha le ho tshehetsa ka tataiso ho tsa kgwebo bakeng sa dikgwere tse nyane.”

MANANEONG A THUTO

AB InBev e fane ka R190 milione bakeng sa mananeo a katleho le a thuto a kenyeletsang ntshe-tsopele mehloding e fapaneng ya enoji bakeng sa tshebediso ya khamphani eo, e leng tshepiso ya ho fokotsa dikgwerekgwere le ho kgothaletsa tshebediso botjha le ho boloka metsi.

“Ho na le dibaka tse hlokanang metsi ka

hara naha. E seng feela nakong ya komello empa nakong tsohle. Ba tsetela mananeong a batjha, ho etsa matlole bakeng sa baithuti ba enjinereng le ho eketsa ka dithuto tsa ha o le mosebetsing tse 200.

“Ke nahana hore ntho e bohlokwa ke hore khamphani ena e batla ho sebedisana le mmuso ho netefatsa hore dilemong tse mmalwa, re fetola naha ho tloha ho e rekang hopose e tswang kantle ho ya ho e romelang hopose le mmela kantle,” o ile a eketsa.